

Transkription von Urkunde RIG 1479a

Ort, Datierung: Riga, 1479-10-15

Signatur: Staatsarchiv Riga, Fond5561, Apparat 2, 168

Wij Borghermeistere vnde Raedmann(e) der Stadt Rijghe Bekennen vor allen de / dussen Breff zehen ,
hor(e)n edder lesen jnn(e) vnde mit dussem(e) vnsem(e) open(e)n / Breue opembar bethugende , dat
hans Stoepp vnse Borgher vor vns hefft mu(n)tlik(e)n / gesecht vnde vor sick vnde sine erue opembar
bekandt , dat hee recht vnde / redeliken vorkofft heuet der Tafelgilde jm(me) groten Gildestouenn
bynnen / vnser Stadt Rijghe sesz olde m(a)rk rig(esch) iarliker renthe vor hundert m(a)r(k) rig(esch) /
dessuluigen olden pagiment(es) alse jnn(e) giffte dusses Breues jnn(e) lyfflande genge / vnde geue sin
jnn(e) vnde upp(e) zin husz mit der tobehoringhe jnn(e) der Schostrate(n) / belegen hart an(ne)
Clauwsz micheelsz dar nuw tor tijdt de Rugghebeensche / jnn(e) wonet de Renthe vorgeschre(ue)n
effte de weerde dar van alle iar uth / to richtende vnde to betalende upp(e) dat ffest Sancti Michaelis
des ertzengels / sunder lengher vortogh Beholden doch dem(e) bouengedachten hanse Stoepp / vnde
sinen rechten eruen effte den rechten besitters des vorgerorden huses / jnn(e) tokomenden tiiden
gantcze vrje vnde vullemacht de vorschre(ue)n Renthe / vor den vorbenom(ed)en houetsum(m)en
wedder afftokopende vnde to losende wanner / en(e) dat allerbest euen isz vnde gantcz wol beqweme
sunder ymandes / weddersprekent , des tor tuchnisse vnde orkunde der warheit is vnser / Stadt
jngesegell witliken angehangen benedden an(ne) dussen Breff de geuen / is vnde geschre(ue)n jnn(e)
den jaren vnser heren dusentveerhundert vnde / [jnn(e) deme ... vndenegentigesten]¹ jare am(me)
auende Sancti Galli [...]

¹ Zeile durch aufgerolltes Papier verdeckt